



ACTA DA SESIÓN ORDINARIA DO PLENO DA CORPORACIÓN REALIZADA O 26 DE OUTUBRO DE 2016.

Concelleiros asistentes:

D. Manuel González López
D. Julián Ramón Seijas Criado.
Dª. Esperanza Gayoso Pereiro.
D. Javier Fernández Brage
D. Delfín Feal Pereira.
D. Carlos Ladra Brage
Dª. Concepción Rodríguez Ferreiro
D. Iago Varela Martínez.
Dª. María Eva García Amor
D. Xosé Manuel Pérez Sardiña

incluídos na Orde do Día.

No salón de sesións da Casa do Concello de Cabanas, sendo as dezanove horas e trinta minutos do día vinte e seis de outubro de dous mil dezaseis, en primeira convocatoria e baixo a presidencia do Sr. Alcalde Germán Castrillón Permuy, coa asistencia dos Sres. Concelleiros relacionados á marxe e do Secretario titular Antonio López Vila, reúne o Pleno da Corporación en sesión ordinaria segundo a convocatoria remitida ao efecto.

Unha vez comprobada a existencia de quórum para a válida constitución do Pleno, a Presidencia declara aberta e pública a sesión, procédese a trata-los asuntos

1.- APROBACIÓN SE PROCEDE DE ACTAS DE SESIÓNS ANTERIORES. Dáse conta das actas das sesións realizadas o día 29 de xuño e 27 de xullo, de 2016, das cales entregouse copia coa convocatoria a tódolos concelleiros; o Sr. Presidente pregunta se algún membro da Corporación ten que formular algunha observación, e non presentándose alegacións, o Pleno da Corporación en votación ordinaria, co voto a favor dos once membros que o componen, acorda aproba-las referidas actas.

2.- MODIFICACIÓN ORDENANZA FISCAL DO IVTM. Visto o expediente tramitado para modificación do imposto sobre vehículos de tracción mecánica, e da correspondente ordenanza fiscal reguladora, así como, documentación que consta no devandito expediente co informe de Intervención e ditame favorable da comisión de Facenda.

Despois de estudiado o asunto, o pleno da Corporación en votación ordinaria, con dez votos a favor dos membros dos grupos Popular, Socialista, concelleira de AEC e concelleiro de PDDdG, e unha abstención do concelleiro do BNG, acorda:

1º. Aprobar provisionalmente a modificación do tributo local, Imposto sobre vehículos de tracción mecánica así como da correspondiente ordenanza fiscal reguladora.

2º. Someter a información pública o referido acordo e o texto da ordenanza reguladora, polo prazo de trinta días, publicando a tal efecto anuncio no B.O.P. e no Taboleiro de anuncios da Casa do Concello.

3º. No caso de que non se presentaren reclamacións no prazo anterior, o acordo adoptado entenderase definitivamente aprobado.

3.- MODIFICACIÓN ORDENANZA FISCAL DO IBI. Dada contado expediente tramitado para modificación do imposto sobre bens inmóbiles, e da correspondente ordenanza fiscal reguladora, así como, documentación que consta no devandito expediente co informe de Intervención e ditame favorable da comisión de Facenda.



CONCELLO
DE
CABANAS

Na deliberación do asunto prodúcense as intervencións coas opinións que de forma sintetizada se recollen a continuación:

Polo grupo Socialista, o voceiro Delfín Feal Pereira manifesta que na modificación proposta se tiveron en conta aportacións do grupo socialista e polo tanto votarán a favor.

Polo grupo Mixto: o concelleiro do BNG, Iago Varela Martínez alude as bonificacións que se recollen na modificación e que deberían aplicarse tamén a familias monoparentais, vítimas da violencia de xénero ou menores de 35 anos, o marco normativo actual non recolle esta posibilidade e por iso trasladaron esta eiva ao grupo parlamentario do BNG para traballar nas modificacións pertinentes, pero se poden facer modificacións indirectas a través dos servizos do Concello.

A concelleira de AEC María Eva Amor está satisfeita coa modificación que se xa propoñen en xaneiro e gustaría deixar aberta a posibilidade de modificacións en función das variacións do valor catastral.

O concelleiro de PDDdG Xosé Manuel Pérez Sardiña votará a favor porque se incluíron propostas súas nesta modificación relativas ao sector primario para que puidesen optar a bonificación do 95%, lamenta que non se tivera en conta a bonificación sobre a utilización de enerxía solar ou a biomasa e un estudo máis detallado de bens catalogados.

Polo grupo Popular: o Sr. Alcalde considera que no relativo a bonificacións doutros colectivos hai axudas sociais, si a lei non o permite non se poden recoller; polo que se refire a bens catalogados a Comunidade Autónoma ten axudas específicas, e sobre a actualización do valor catastral están abertos a que cada ano se poida revisar.

Despois de estudiado o asunto, o pleno da Corporación en votación ordinaria, con dez votos a favor dos membros dos grupos Popular, Socialista, concelleira de AEC e concelleiro de PDDdG, e unha abstención do concelleiro do BNG, acorda:

1º. Aprobar provisionalmente a modificación do tributo local, Imposto sobre bens inmobilés así como da correspondente ordenanza fiscal reguladora

2º. Someter a información pública o referido acordo e o texto da ordenanza reguladora, polo prazo de trinta días, publicando a tal efecto anuncio no B.O.P. e no Taboleiro de anuncios da Casa do Concello.

3º. No caso de que non se presentaren reclamacións no prazo anterior, o acordo adoptado entenderase definitivamente aprobado.

4.- PROXECTO TÉCNICO OBRA EXECUCIÓN SENTENZA RECURSO CONTENCIOSO-ADMINISTRATIVO 02/0004055/1993, EDIFICIO O PENSO 2ª FASE..
Visto o proxecto técnico modificado para a “Execución sentenza recaída no recurso contencioso-administrativo 02/0004055/1993 do edificio O Penso, 2ª fase, situado entre a estrada da Coruña e o camiño Tras da Vila, no concello de Cabanas” segundo proxecto básico e de execución redactado polo arquitecto D.Antonio J. Ferreiro Novo en xuño de 2016.

Visto o fallo da sentenza ditada pola da Sala do Contencioso-Administrativo Tribunal Superior de Xustiza de Galicia nº 681 de data 29 de setembro de 1994.

Visto os informes do arquitecto municipal de datas 24 de agosto e 7 de outubro de 2016, e informe do letrado Daniel Alvariño Heras da asesoría xurídica externa do Concello, así como, o contido dos proxectos segundo o artigo 123 do TRLCSP e RD 100/2010, de 5 de agosto.



Antes do inicio da deliberación polo concelleiro de PDDdG Xosé Manuel Pérez Sardiña solicita a lectura polo Secretario das conclusións do informe técnico, procedéndose a lectura das seguintes conclusións do informe do 7 de outubro:

“3. Conclusóns:

Tendo en conta todo o indicado anteriormente nos apartados 1.1. e 1.2. do informe, estímase, a xuízo do arquitecto municipal, que o proxecto técnico redactado para proceder á execución da sentenza recaída no recurso contencioso-administrativo 02/0004055/1993 do edificio “O Penso 2ªFase” non se adaptaría ao contido do fallo da sentenza por non aplicarse integralmente a Ordenanza “E” no ámbito correspondente ao camiño denominado “Tras da Vila”, sen prexuízo do indicado igualmente nos apartados 2.1. e 2.2. do informe, polo cal o referido proxecto técnico desenvolve un volume edificatorio total inferior ao permitido pola dita ordenanza para toda a parcela, cuestión esta última que debería clarificarse, en circunstancias normais, mediante a redacción e aprobación dun Estudo de Detalle para ordenación de volumes edificatorios resultantes”.

Na deliberación do asunto prodúcense as intervencións coas opinións que de forma sintetizada se recollen a continuación:

Polo grupo Socialista, o voceiro Delfín Feal Pereira manifesta que ao inicio da lexislatura pediron tratar isto nunha comisión de urbanismo, na comisión de asuntos do pleno non disponían dos informes do arquitecto, fíxose solo referencia, pero unha vez lidos no informe do 24 de agosto conclúe que cumple pero no do 7 de outubro xa é máis extenso e hai un encontro na interpretación e teñen dúbihdas que o informe do letrado tampouco lle aclara; por outra banda o informe do arquitecto fala de que está a facer outro máis extenso e pormenorizado e ante as dúbihdas pregunta por que non se lle pide ao avogado que estude as conclusións do arquitecto posto que solo se lle pedía si procedía iniciar expediente de contratación, consideran necesario dar cumprimento a sentenza con tódolos requisitos legais que eviten problemas posteriores.

Polo grupo Mixto: o concelleiro do BNG Iago Varela Martínez indica que se está a tratar das obras do edificio O Penso e de novo temos inseuridade xurídica sobre a decisión a tomar, sinala en primeiro lugar que non teñen o informe técnico a que se referiu o Sr. Feal Pereira que explique como se van aplicar as normas subsidiarias e segundo, tampouco teñen a total seguridade de que o que se vai aprobar sexa válido segundo as conclusións do informe técnico as que da lectura, considera un atrevemento o informe do gabinete xurídico cando díá que o proxecto técnico ten que ser levado adiante, quere unha solución definitiva para O Penso e considera unha irresponsabilidade aprobar un proxecto que segundo o informe técnico non é acorde coa sentenza e volva a levarse a xuízo, non pode apoiar iso pola veciñanza e por conciencia, votará en contra.

A concelleira de AEC María Eva Amor opina que despois de tantos anos seguimos co expediente do tema do Penso, hai que ter en conta os informes técnicos pero tamén os xurídicos, entende que o Alcalde non se enfrentará a unha irresponsabilidade sabendo que está pendente de multas que lle afectan persoalmente, ten dúbihdas a vista deses informes pero tamén é unha irresponsabilidade seguir parando este tema despois de tantos anos, vaise abster para evitar máis atrancos e resolver este problema que afecta aos implicado e a todo o Concello.

O concelleiro de PDDdG Xosé Manuel Pérez Sardiña manifesta a súa posición en contra ao proxecto como xa fixeron na 1ª fase, pediu que se leran as conclusións do informe do arquitecto municipal porque eran relevantes e na comisión de asuntos do pleno votaron todos a favor, el



estaba de ouvinte, agora se reflexiona e se ve a realidade, que a xente se dea conta de cales son os problemas aos que nos enfrentamos, hai que cumplir a sentenza, se non hai informes técnicos que digan que a sentenza se está a cumplir non pode votar a favor.

Polo grupo Popular: o Sr. Alcalde considera que o informe do arquitecto municipal di moi claro o que pasou coa sentenza, cando se fixo a denuncia non se defendeu o Concello como se debía, a ese xuíz lle pasaron información non correcta, estase falando da ordenanza E e o arquitecto municipal di que non se pode aplicar nesa mazá, de aplicarse calquera veciño que fixera denuncia se paralizaría a obra, que é de aplicación a ordenanza D e el está facendo ese informe más completo, sobre este edificio anulouse a licenza e hai que facer unha nova cando o edificio estea adaptado, mandarase ao xulgado cos informes correspondentes para que determine se a sentenza está cumplida; o arquitecto está facendo ese informe para xustificar que ten que ser aplicada a ordenanza D e o edificio podería ser legal na opinión tamén doutros técnicos, a única diferenza sería no tellado; insiste en que o arquitecto di que non cumple a ordenanza E hai que aplicar a D, o que pase é que ten que explicar todo o proceso, o Concello ten que cumplir a sentenza e despois hai que facer o expediente administrativo e remitirlo ao xulgado para que determine si se cumpliu ou non, como se vai facer na 1ª fase cando estea rematada.

O Sr. Pérez Sardiña remítese as conclusións, parécelle ben os antecedentes, a reflexión, pero todos coñecen que cando se dita unha sentenza devén en lei, polo tanto o arquitecto conclúe que non se adapta ao fallo da sentenza, na segunda parte chega a dicir que podería adaptarse, é dicir que non se adapta áinda, vostedes saberán o que fan.

O Sr. Alcalde citálle como exemplo do sentenciado a morte, hai unha revisión da condena e saída situación, o Concello non pode facer algo que mañá calquera veciño pode denunciar e automaticamente se caia, e coa ordenanza D pode denunciar pero non ganar porque o recollen os informes técnicos.

Debatido o asunto, o Pleno da Corporación en votación ordinaria, con cinco votos a favor dos membros do grupo Popular, dous en contra dos concelleiro do BNG e PDDdG, e catro abstencións dos membros do grupo Socialista e concelleira de AEC, acorda:

Primeiro. Aprobar o proxecto técnico modificado para a Execución sentenza recaída no recurso contencioso-administrativo 02/0004055/1993 do edificio O Penso, 2ª fase, situado entre a estrada da Coruña e o camiño Tras da Vila, no concello de Cabanas, segundo proxecto básico e de execución redactado polo arquitecto D. Antonio J. Ferreiro Novo en xuño de 2016, cun orzamento de licitación de 378.276,13 euros.

Segundo. Iniciar expediente de contratación das referidas obras segundo as normas establecidas no Texto Refundo da Lei de Contratos do Sector Público, aprobado por Real Decreto Lexislativo 3/2011, do 14 de novembro.

5.- RATIFICACIÓN DECRETO ALCALDÍA SOBRE EMENDA ACORDO SOLICITUDE PMA 2016 DA DEPUTACIÓN DA CORUÑA. A continuación dáse conta da seguinte resolución da Alcaldía para a súa ratificación polo Pleno da Corporación.

“RESOLUCIÓN 497/2016. Modificación proposta Plan Provincial Medio Ambiente 2016.

Vista a comunicación da Deputación Provincial sobre emenda da documentación relativa a solicitude formulada por este Concello de Cabanas para o Plan Provincial de Medio Ambiente 2016 (PMA 2016), e despois da correspondente corrección, de conformidade coas atribucións conferidas



CONCELLO
DE
CABANAS

polo artigo 21 da Lei 7/1985, do 2 de abril en relación co artigo 61.1 da Lei de Administración Local de Galicia e disposicións concordantes, RESOLVO:

Primeiro: Modificar a proposta para o PMA 2016 aprobada polo Pleno da Corporación en data 29 de xuño de 2016, quedando nos seguintes termos:

“Vistas as bases reguladoras do Plan Provincial de Medio Ambiente 2016 (PMA 2016) publicadas no B.O.P nº. 103 do 1 de xuño, así como a contía asignada a este Concello por importe de 42.923,68 e o proxecto técnico da obra a propoñer.

Despois de estudiado o asunto, o Pleno da Corporación en votación ordinaria co voto a favor dos once membros que o componen, acorda:

1.- Aprobar o Plan provincial de medio ambiente (PMA) 2016, cuxas bases se coñecen e aceptan na súa totalidade, no que se recollen as obras e subministracións que o Concello ten previsto realizar, ou a dedicación a actividades relacionadas co medio ambiente, e de acordo co financiamento que se indica:

A) Realización de obras e subministracións:

Denominación da obra ou subministración	Deputación	Concello	Orzamento total
Captación e subministro de auga ás duchas da praia de A Madalena.	42.923,68	0,01	42.923,69
SUBTOTAL OBRAS/SUBMINISTRACIÓN	42.923,68	0,01	42.923,69

Aprobar os proxectos das obras ou pregos das subministracións incluídos na anualidade 2016 e que se relacionan nesta táboa.

B) Financiamento de actividades:

Detalle das actividades a realizar	Deputación	Concello	Orzamento total
----	---	---	---
SUBTOTAL ACTIVIDADES	---	---	---

C) Resumo:

Denominación da obra	Deputación	Concello	Orzamento total
SUBTOTAL OBRAS/SUBMINISTRACIÓN	42.923,68	0,01	42.923,69
SUBTOTAL ACTIVIDADES	---	---	---
TOTAL	42.923,68	0,01	42.923,69

2.- Declarar que o Concello ten a disponibilidade dos terreos, augas e servidumes para a execución das obras, e que conta coas concesións e autorizacións administrativas que legalmente sexan necesarias ou que xa as solicitou antes do remate do prazo de presentación da solicitude deste Plan, xuntando os correspondentes documentos.

3.- Comprometerse o Concello a incluír no orzamento municipal do 2016 os fondos necesarios para facer fronte á achega municipal das obras, suministros e actividades incluídas no PMA.

4.- Solicitar da Deputación Provincial da Coruña, a delegación neste Concello da contratación e execución das obras ou subministracións incluídas no plan, que se entenderá aceptada si esta se produce efectivamente.

5.- Declarar que o concello non solicitou nin percibiu ningunha subvención doutras administracións públicas para o financiamento do investimento ou actividade e, no caso de que existan axudas ou subvencións concorrentes doutras administracións para a súa execución,



achégase o detalle de cada unha delas, acreditándose que a súa suma total non supera o 100% do seu importe.

6.- Autorizase á Deputación a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social

7.- Facultar expresamente ao alcalde para todo o relacionado coa tramitación e xestión do presente acordo e o correspondente expediente”.

Segundo: Dar conta ao Pleno da Corporación na primeira sesión que realice da presente resolución para a súa ratificación.

O acorda e asina o Sr. Alcalde Germán Castrillón Permuy, en Cabanas a trece de outubro de dous mil dezaseis , do que eu, Antonio López Vila, como Secretario, dou fe. O Alcalde, rubricado. O Secretario, rubricado”.

O pleno da Corporación en votación ordinaria, co voto a favor dos once membros que o componen, acorda ratificar a anterior resolución da Alcaldía.

6.- CAMBIO DENOMINACIÓN SEDE ELECTRÓNICA. Dáse conta da proposta de cambio de dominio, pasando de sede.cabanases a nova denominación da sede electrónica a sede.cabanass.gal.

O concelleiro do BNG, Iago Varela Martínez está a favor do cambio e quere darlle parabéns ao partido popular por entrar en razóns logo que no pleno ordinario de setembro de 2015 votaran en contra da proposta do BNG nese sentido, da lectura as alegacións do concelleiro Javier Brage para votar en contra e aos sete días rexistraron o dominio cabanas.gal, ten o convencemento que o posicionamento do PP neste concello ven motivado solo por quen presenta a proposta, pregunta que cambiou para cambiar de postura.

O Sr. Alcalde indica que o concello non podía anticiparse á Deputación, xa que a sede municipal depende da Deputación, tan pronto a Deputación fixo o cambio o concello rexistrou o dominio .gal, polo tanto todo o que acaba de dicir o concelleiro do BNG sobra.

A Presidencia somete o asunto a votación e o concelleiro do BNG protesta porque quere intervir, iniciándose unha discusión onde a Presidencia lle indica que non pediu segunda quenda e o concelleiro considera que era a Presidencia quen tiña que preguntar, durante o cal a Presidencia 0 advierte por primeira vez e segunda vez indicándolle que a terceira ten que abandonar o pleno.

Sometido o asunto a votación, o Pleno da Corporación en votación ordinaria, co voto a favor dos once membros que o componen acorda aprobar a nova denominación da sede electrónica pasando a ser sede.cabanass.gal.

7.- OPOSICIÓN Á LOMCE E ÁS SÚAS REVÁLIDAS. PROPOSTA CONCELLEIRO BNG. Vista a moción presentada polo concelleiro do BNG no grupo Mixto sobre oposición a LOMCE, en cuxa exposición de motivos fai referencia aos aspectos negativos para o sistema educativo que consagra a súa aplicación, recorda que xa na elaboración se fixo sen o mínimo diálogo social e participación da comunidade educativa, ademais representa un ataque frontal as competencias das comunidades autónomas e unha involución no modelo lingüístico. Alude as trabas para a continuación de estudos que supoñen as reválidas, que ademais supoñen a nivel



pedagóxico unha presión engadida para o alumnado, avaliando solo unhas áreas de coñecemento e ao mesmo tempo condicionando a labor docente.

Por todo elo propón ao Pleno da Corporación a adopción dos seguintes acordos:

1. Instar á Xunta de Galicia a eliminación das reválidas, conscientes das nefastas e lesivas consecuencias que supoñen estas probas, por seren un obstáculo para facer efectivo o dereito á educación universal, pública, galega, laica, coeducativa e gratuita.

2. Esixir á Xunta de Galicia a solicitude ao goberno do Estado a derrogación da LOMCE.

3. Instar á Xunta de Galicia a defender as nosas competencias en materia de ensino para fortalecer un ensino público, galego e de calidade que potencie a diversidade e fomente a lingua propia do noso país.

Na deliberación do asunto prodúcense as intervencións coas opinións que de forma sintetizada se recollen a continuación:

Polo grupo Socialista: o voceiro Delfín Feal Pereira manifesta que hoxe se están levando a cabo concentracións contra a LOMCE e si toda a comunidade educativa está contra esta lei será porque terá algo mal, están de acordo coa moción e apoian as reivindicacións, logo dependerá da orientación que queiran fazer a nivel do estado, hai que buscar o consenso como faría o que foi ministro de educación Sr. Gabilondo, esperan que impere a racionalidade e se cambie esta lei.

Polo grupo Mixto: a concelleira de AEC María Eva García Amor considera que se están a traer temas de actualidade e sensibles, pero sen ningún tipo de resolución, alude a concentración de Ferrol e a pesar de estar en contra das reválidas opina que a maneira de amosar o descontento é protestando e participando nas manifestacións, non traendo mociones ao Pleno de Cabanas que non ten potestade lexislativa nestes temas, sempre defendeu que se trouxeran cousas que afecten a Cabanas.

O concelleiro do BNG, Iago Varela Martínez indica que no relativo a que non afecta a Cabanas que llo digan aos mozos e mozas de Cabanas que a día de hoxe co curso empezado non saben se van ter reválidas, hoxe pola mañá estaba na manifestación onde había xente de Cabanas e haber como lles din que non afecta a Cabanas.

Polo grupo Popular: a concelleira Esperanza Gayoso Pereiro ten unha visión distinta, a LOMCE xurde como solución ao deterioro do sistema educativo español, non é unha nova lei, é unha reforma que moderniza cousas que non teñen cabida ou foron un fracaso; as probas de evaluación solo as realizarán os alumnos que queiran acceder a ensino de grado, tampouco a proba de 4º de ESO terá valor académico e os resultados non influirán no expediente.

O Sr. Feal Pereira considera que a argumentación da Sra. Gayoso Pereiro é unha proposición que inda non está aprobada, é un argumento no aire, e reitera que si toda a comunidade educativa está en contra algo mal terá, polo tanto votarán a favor da moción.

O concelleiro de PDDdG Xosé Manuel Pérez Sardiña tamén insiste en que a lexislación inda non está modificada, non procede vir aquí expoñer circunstancias nas que non está, agarda que se resolva a situación política e se poida modificar a lei, neste momento a situación é a que é.

A Sra. Gayoso Pereiro opina que non se van poñer de acordo e considera necesario deixar a educación á marxe da política para avanzar e non continuar á cola de Europa no eido educativo, na situación actual é ridículo intentar consenso porque non dan ni o beneficio da dúbida, o sistema educativo español leva moitos anos condenado ao fracaso como así o din varios estudos, polo



tanto no momento de incertidume como o actual é máis necesario que nunca unha actitude de consenso e colaboración.

Sometido o asunto a votación resultan cinco votos a favor dos membros do grupo Socialista, concelleiro do BNG e concelleiro de PDDdG, cinco en contra dos membros do grupo Popular e unha abstención da concelleiro de AEC. Producíndose empate e de conformidade co artigo 46.2.d) da Lei 7/1985, do 2 de abril, repítese a votación, obtendo o mesmo resultado, a vista do cal decide o voto en contra do Presidente, quedando rexeitada dita moción.

8.- CAMPAÑA MUNICIPAL PARA A RETIRADA DE AMIANTO. PROPOSTA GRUPO SOCIALISTA. Dáse conta da moción presentada polo grupo Socialista sobre “Campaña municipal para a retirada de amianto”, na cal expón as características do amianto e o seu uso en anos atrás por soportar grandes temperaturas, demostrándose posteriormente que os produtos relacionados co amianto están a provocar cáncer con elevada mortalidade, o polvo invisible destas partículas pode ser inhalado por persoas e animais producindo máis tarde cáncer de pulmón, estómago, pleura e peritoneo; por elo partir da década de 2000 empezou a prohibirse, quedando prohibido o seu uso na Unión Europea en 2005, sen embargo toneladas desta fibra continúan en edificios, tubaxes e teitos de uralita, as demolicións e reparacións seguen comportando un risco para os traballadores.

Cabanas non está libre de amianto e hai constancia de existencia de tubaxes de subministro de auga con este material e hai dúbidas de que se estea realizando control en edificios como centros educativos, asociacións, etc., por elo propoñen a adopción dos seguintes acordos:

1. O Concello de Cabanas realizará un catálogo de todos os edificios públicos, (centros educativos, centro de saúde, centros veciñais, asociacións, etc.) para coñecer si teñen amianto (falsos teitos, solos de amianto vinilo, paneis, cubertas de fibrocemento, tubaxes, canlóns, xardineiras, etc.). Para elo, incluirá no próximo orzamento de 2017 a partida orzamentaria correspondente, así como buscar financiación por parte das distintas Administracións públicas.

2. Rexistrar-Inventariar as pizarras (uralitas) que puideran ser susceptibles de conter este tipo de material (anteriores a 1990) no municipio e, no caso de que puideran estar deterioradas ou manipuladas, proceder a súa retirada, con carácter inmediato. Así mesmo deberase establecer un calendario para a retirada progresiva do resto de pizarras susceptibles de conter amianto.

3. Incluir no próximo orzamento 2017 unha partida orzamentaria para realizar un estudo das tubaxes actuais de subministro de augas que conteñen amianto, e unha vez detectadas realizar un plan inmediato de cambio das mesmas.

4. A retirada de materiais con contido de amianto será realizadas por empresas que figuren inscritas no RERA (rexistro de empresas con rexistro por amianto), unha vez teñan aprobado o Plan de Traballos con Amianto.

5. Informar e formar a tódolos traballadores/as de mantemento municipal sobre os riscos de exposición ao amianto nas distintas instalacións e maquinaria.

6. Para os que desexen retirar as estruturas anteriormente descritas, eximir do pago do imposto de Construcións, Instalacións e Obras, na súa totalidade, de maneira que se miniminice o custo desta operación.



7. Levar a cabo unha campaña de sensibilización á cidadanía sobre a problemática dos elementos de amianto e onde se informe das facilidades que dispón o Concello de Cabanas para a súa substitución ou retirada.

8. Instar á Consellería de Educación á retirada inmediata deste material dos Centros educativos de Cabanas, e que os substitúa por outro material que non supoña ningún risco para a saúde.

9. Dar traslado deste acordos ao Goberno de España, así como á Xunta de Galicia, á Deputación da Coruña, aos grupos parlamentarios do Parlamento de Galicia, a tódalas asociacións municipais.

Na deliberación do asunto prodúcense as intervencións coas opinións que de forma sintetizada se recollen a continuación:

Polo grupo Popular: o voceiro Manuel González López indica que este material solo sería contaminante á hora da súa manipulación, hai depósitos de auga, tubaxes e colectores nos que a presencia deste material resulta inofensivo para a saúde. En canto a moción, os acordos do punto 1 non se poderían levar a cabo de inmediato, require estudo minucioso e un período longo; o punto 3 xa existe memoria de Aquagest do 2011 que determina as tubaxes de fibrocemento, e no punto 6 non se debe gravar á veciñanza cando as uralitas non provocan efectos nocivos en tanto non son manipuladas, propón engadir dous puntos que si son aceptados polo propoñente votarán a favor: “Facer un seguimento dos proxectos presentados polos promotores, para vixiar que se cumplen as disposicións legais ao respecto desta materia.

E nas instalacións de titularidade municipal, dar unha marxe suficiente para que, nun período razonable de tempo, atendendo ás dispoñibilidades orzamentarias do Concello e ás axudas que poida recibir de outras institucións, elimine todos os elementos afectados aos que se fai referencia nesta moción”.

Polo grupo Socialista: o concelleiro Carlos Ladra Brage manifesta non ter problema en incluir os dous puntos do grupo Popular, o que non se pode é atrasar o punto 1 e no punto 6 sempre é unha pequena axuda.

Polo grupo Mixto: a concelleira de AEC María Eva García Amor está a favor, todo o que sexa quitar material contaminante do Concello parécelle ben, pero contactou con empresas que realizan estes traballos e algunha manifestoulle que o custo para os particulares sería case inviable, polo que habería dárllas tempo para que puidesen acceder a algúns tipo de axuda.

O Sr. Ladra Brage sinala que a actuación inmediata sería para o Concello, aos veciños cando queiran fazer algunha obra advertirles que teñen amianto e teñen que cambialo, pero non se lle obriga a facelo de inmediato.

O concelleiro de PDDdG Xosé Manuel Pérez Sardiña alude as roturas que se están dando en algúns sitios de tubaxes de fibrocemento e deberían ter unha actuación inmediata porque hai manipulación dese material e poden afectar á saúde, priorizaría o tema da auga.

O Alcalde indica que xa comentou que hai que estudar si se pode obrigar á concesionaria ou ten que acometelo o Concello, verase como se pode encaixar xuridicamente.

Sometido o asunto a votación coa proposta engadida, o Pleno da Corporación en votación ordinaria, co voto a favor dos once membros que o compoñen acorda aprobar a referida moción.



9.- APOIO PROPOSICIÓN DE LEI PARA APLICACIÓN MEDIDAS EN MATERIA DE RÉXIME LOCAL. PROPOSTA CONCELLEIRO PDDdG. Dáse conta á Corporación da proposta presenta polo concelleiro de PDDdG sobre apoio á proposición de lei para a aplicación de medidas urxentes en materia de réxime local presentada no Congreso dos deputados, expoñendo que as Administracións Locais foron as grandes prexudicadas polas políticas de austeridade levadas a cabo nos últimos anos polo goberno do partido popular despois da modificación do artigo 135 da CE no ano 2011, que supuxeron un retroceso considerable na autonomía dos gobernos locais, urxe rematar coa asfixia competencial e financeira actual coa que a lei 27/2013 somete aos concellos e que contou xa co rexeitamento inicial de case tódalas forzas parlamentarias, máis de tres mil concellos expresaron o seu rexeitamento, produciuse unha minguada nos servizos públicos municipais e cambios substanciais no funcionamento de concellos, deputacións e comunidades autónomas. Alude a proposición de lei para a aplicación de medidas urxentes en materia de réxime local rexistrada no Congreso dos deputados o pasado 4 de outubro, presentada por Grupo Confederal Unidos Podemos- En Comu Podem- En Marea, que contou co apoio de varios concellos, que pretende implementar medidas para prestar servizos necesarios para o funcionamento dos concellos; aplicar o criterio de administración más próxima á ciudadanía, así como unha lei de facendas locais de Galicia.

Por todo elo propón ao Pleno da Corporación os seguintes acordos:

1. Apoiar a tramitación nas Cortes Xerais do Estado da proposición de lei para aplicación de medidas urxentes en materia de réxime local e, por conseguinte, apoiar a derogación parcial e modificación da Lei 27/2013, do 27 de decembro, de racionalización e sustentabilidade da Administración Local.

2. Instar o Goberno Central e todos os Grupos Parlamentarios das Cortes Xerais do Estado a que faciliten e apoién un proceso participativo e de diálogo e negociación institucional no que estean representados as comunidades autónomas, os entes locais, as asociacións de concellos, a sociedade civil e a ciudadanía no seu conxunto, onde se elaboren as bases para a unha nova estruturación e réxime xurídico das administracións locais sobre as bases da asunción de novas competencias, de garantir un financiamento adecuado e suficiente, así como a garantir a transparencia e a participación determinante da ciudadanía.

3. Instar o novo Goberno da Xunta de Galicia e o Parlamento de Galicia para formularen e para trimitaren unha Lei de Facendas Locais de Galicia, que garanta a autonomía e a suficiencia financeira dos concellos galegos, que amplíe a participación dos Concellos nos ingresos da Xunta e que redefina os actuais mecanismos de reequilibrio territorial.

4. Instar ao Goberno da Xunta de Galicia e ao Parlamento de Galicia a formularen e trimitaren a modificación da Lei 5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local, así como da ei de Administración Local de Galicia e da Lei de delimitación e coordinación das deputacións.

5. Dar traslado deste acordo ao Goberno do Estado, á Xunta de Galicia, a todos os Grupos Parlamentarios das Cortes Xerais do Estado, do Parlamento de Galicia, así como á Federación Galega de Municipios e Provincias.

Na deliberación do asunto prodúcense as intervencións coas opinións que de forma sintetizada se recollen a continuación:



Polo grupo Socialista: o voceiro Delfín Feal Pereira manífestase a favor porque entenden que a lei que máis dana as administración locais é a chamada lei Montoro que deberíase cambiar, saben que desde Cabanas solo sería unha gota no océano pero haber si coa unión e consenso de alcaldes, deputacións e Fegamp so consigue a súa modificación.

Polo grupo Mixto: o concelleiro do BNG Iago Varela Martínez inda non estando de todo conforme co texto, está a favor do seu espírito, a Lei 27/2013 invade e reduce as competencias dos concellos e ten conceptos ilóxicos como a dedicación de remanentes á liquidación da débeda, recorda que o BNG xa presentou emenda con outros grupos na tramitación e formularon recurso no TC, esta lei é un dos maiores despropósitos da lexislatura 2011-2015 e a situación podía estar solventada se a vella e nova política tivesen actuado más alá dos seus propios sillóns.

A concelleira de AEC María Eva García Amor indica que AEC é unha organización local e por moito que estean de acordo nalgúns aspectos, considera que non son somos competentes na materia nin atinxo as funcións deste pleno, polo que se vai abster.

O concelleiro de PDDdG Xosé Manuel Pérez Sardiña sinala que cando se solicita a modificación desta lei é porque modifica competencias directas das administracións locais, dificultades para cubrir vacantes, estabilidade orzamentaria, etc. normas regresivas para unhas administracións que eran as mellores cumplidoras dos obxectivos de déficit, insiste en que son competencias propias e debe haber un pronunciamento para facerles saber que non estamos de acordo con que fixeron.

Polo grupo Popular: o voceiro Manuel González López considera que despois de 35 anos, a LRBRL necesita unha actualización que se levou a cabo a través da Lei 27/2013 do 27 de decembro, a Xunta e Fegamp fixeron alegacións e acadouse un texto mellorado e consensuado, o goberno galego abordou unha reforma da normativa que desenvolveu o marco estatal; despois de facer referencia a clarificación das competencias municipais para evitar duplicidades con outras administracións, derivación de gastos en materia educativa e de sanidade as comunidade autónomas, delimitación de competencias das deputacións, salarios cargos electos e aprobación da Lei 5/2014, do 27 de maio polo Parlamento de Galicia, propón a seguinte emenda:

“1. Instar a todos os Grupos Parlamentarios das Cortes Xerais do Estado a desbloquear a actual situación de interinidade do Goberno da Nación, permitindo a conformación dun novo Goberno con plena capacidade, que poida abordar a modificación do sistema de financiación autonómica e das facendas locais.

2. Instar á Xunta de Galicia a solicitar unha reforma do sistema de financiación local de acordo cos seguintes criterios adoptados por unanimidade no Parlamento de Galicia:

I. Proporcionar máis recursos aos concellos galegos.

II. Adoptar os criterios de dispersión e avellentamento da poboación para o reparto da Participación nos ingresos do Estado (PIE), por se tratar de factores que repercuten de xeito determinante sobre o custo dos servizos que prestan os concellos galegos.

III. Transferir á Xunta de Galicia a contía correspondente á PIE, para que sexa a administración galega a que realice o reparto destes fondos entre os concellos.

3. Instar á Xunta de Galicia a presentar ao Parlamento de Galicia o proxecto de reforma da Lei de Administración Local de Galicia dentro do prazo de seis meses dende a entrada en vigor do novo sistema de financiación autonómico e das facendas locais, tal e como establece a disposición



final primeira da Lei 5/2014, de 27 de maio, de medidas urxentes derivadas da entrada en vigor da Lei 27/2013, de 27 de decembro, de racionalización e sustentabilidade da administración local.

4. Instar á Xunta de Galicia a coordinar co resto de administracións, e especialmente coas Deputacións Provinciais galegas no marco do Protocolo de Coordinación asinado coa Xunta de Galicia por todos os presidentes provinciais en 2012, os programas, plans, convenios, ou calquera outra fórmula de achegas económicas aos concellos, coa finalidade de dotar así mesmos de recursos suficientes para abordar infraestruturas ou servizos esenciais, para o aumento da calidade de vida da veciñanza.

5. Dar traslado deste acordo ao Goberno do Estado, á Xunta de Galicia, a todos os Grupos Parlamentarios das Cortes Xerais do Estado, do Parlamento de Galicia, así como á Federación Galega de Municipios e Provincias.

O Sr. Pérez Sardiña, fala da posibilidade de chegar a acordo agás no punto 2, deixalo aparte e votar, mentres que o Sr. Alcalde considera que deben substituírse os puntos 2, 3 e 4.

Despois da correspondente deliberación sométese a votación si se emenda do punto 2 da moción, resultando cinco votos a favor da emenda dos membros do grupo popular, cinco en contra dos membros do grupo Socialista, concelleiro do BNG e concelleiro de PDDdG, e unha abstención da concelleira de AEC, cinco en contra. Producíndose empate e de conformidade co artigo 46.2.d) da Lei 7/1985, do 2 de abril, repítese a votación, obtendo o mesmo resultado, a vista do cal decide o voto de calidade do Presidente a favor de emendar o punto 2.

A continuación sométese a votación a moción presentada polo concelleiro de PDDdG introducindo a emenda dos puntos 2, 3 e 4 presentada polo grupo Popular, resultando aprobada con dez votos a favor dos membros dos grupos Popular, Socialista, concelleiro do BNG e concelleiro de PDDdG, e unha abstención da concelleira de AEC.

10.- DECLARACIÓN DE MUNICIPIO OPOSTO AO TRATADO TRANSATLÁNTICO DE COMERCIO E INVESTIMENTOS. PROPOSTA CONCELLEIRO PDDdG. Vista a proposta do concelleiro de PDDdG sobre declaración de Municipio oposto ao Tratado Transatlántico de Comercio e Investimentos (TTIP), en cuxa exposición de motivos alude as negociacións iniciadas en 2013 sobre o Acordo Transatlántico de Comercio e Investimentos que afectaría a máis de 800 millóns de persoas, cuxa aspiración principal será a supresión arancelaria e a liberalización das relacións entre os mercados europeo e estadounidense, inda que más ben parece a eliminación de obstáculos non tarifarios; inda que se vende como un cúmulo de virtudes, non resultan co apoio desde o punto de vista técnico tendo en conta a regulamentación do mercado estadounidense. Este tratado afectaría, entre outros, a competencia con outras empresas estadounidenses que teñen outra tecnoloxía e menos criterios sociais e ecolóxicos, alude tamén a indemnizacións a grandes empresas e que este tratado non vai ser más que unha carta de liberdades para as transnacionais que busca un mínimo común denominador definido polos intereses destas, en aberta desatención, con calquera consideración de cariz humano, social ou ambiental.

Por todo o exposto propón ao Pleno os seguintes acordos:

1. Declarar Cabanas municipio oposto ao TTIP, defendendo os servizos públicos básicos para a solidariedade e redistribución social.



2. Solicitar do Ministerio de Economía a suspensión das negociacións do TTIP e outros acordos comerciais similares, como o CETA e o TISA, para conseguir:

- a) Que mecanismos de arbitaxe como o ISDS non sexan incluídos en ningún tratado.
- b) Defender a actual política reguladora da UE e dos Estados Membros de forma que non se dilúan competencias en materias de lexislación social, protección do consumidor e medio ambiente, evitando que as transnacionais teñan implicación nas regulacións
- c) Que o tratado non se limite a obxectivos meramente económicos, e sexan tidos en conta en maior medida obxectivos medioambientais e sociais.
- d) Que exista un maior grao de transparencia nas negociacións, debéndose someter a debate público nos parlamentos nacionais, autonómicos e locais dos Estados implicados.

3. Trasladar este acordo á Mancomunidade de concellos de Ferrol, ao Parlamento de Galicia e ás Cortes do Estado.

Na deliberación do asunto prodúcense as intervencións coas opinións que de forma sintetizada se recollen a continuación:

Polo grupo Socialista: o voceiro Delfín Feal Pereira manifesta que o tratado inda non está aprobado pero levanta moitas suspicacias polo secreto con se está levando, si se leva a cabo de acordo co que está transcendendo á opinión pública é unha transgresión da soberanía local e estatal por parte das grande multinacionais, polo tanto votarán a favor da moción.

Polo grupo Mixto: o concelleiro do BNG Iago Varela Martínez reitera o rexeitamento destes documentos negociados pola UE e EEUU e Canadá de costas as persoas e institucións que as representan como son os Parlamentos; o TTIP persegue a liberalización total dos servizos públicos e apertura as empresas transnacionais as licitacións de bens e servizos das administracións públicas, poñendo en perigo as iniciativas locais de promoción á industria e o emprego, deste modo as leis de comercio priman sobre calquera outra consideración social e ignoran calquera lexislación continental, estatal, autonómica ou local, desmantelando os servizos públicos locais, ao mesmo tempo promove instrumentos non democráticos que garantan os beneficios das empresas transnacionais o que supón unha cesión da soberanía dos poderes locais, votará a favor.

O concelleiro de PDDdG Xosé Manuel Pérez Sardiña fai referencia a cuestións locais directamente afectadas como ordenación do territorio, promoción de vivendas, pavimentación e conservación de vías públicas, parques e xardíns, protección do medio ambiente, atención primaria, servizos sociais, ensino, abastecemento de auga e saneamento, servizos de limpeza, recollida e tratamiento de lixo, defensa dos consumidores, transporte público, etc., competencias que teñen que ver coa soberanía local e se verían arrastradas a unha arbitaxe privada ante calquera reclamación das grandes multinacionais.

Polo grupo Popular: o voceiro Manuel González López indica que se trata dun convenio que se está negociando entre a UE e os EEUU que ten como obxectivo eliminar barreiras ao comercio e simplificar a compra-venda de bens e servizos entre a UE e EEUU; a UE podería obter uns beneficios de 119.000 millóns de euros como resultado de eliminar aranceis, normativa e barreiras burocráticas, logrando aforros a empresas, creando emprego e máis valor engadido. Non habería que preocuparse das normas vixente da UE en materia de consumidores, medio ambiente e protección da saúde posto que os niveis existentes son se negocian, a negociación do tratado non é competencia municipal, autonómica nin estatal, e gustaríalle someter a consideración dos grupos a seguinte proposta: “ Crear unha comisión de traballo onde un ou dous membros de cada grupo



que teña representación neste Concello, estuden e formulen cuestións que non corresponda a este Pleno tramitar nin debater e que en absoluto influén na veciñanza, e unha vez chegado a un consenso se de traslado dos acordos firmados polos grupos aos organismos correspondentes”.

O Sr. Varela Martínez propón que si se fai esa comisión, a presidenta sexa María Eva García Amor que é a que veta os acordos que non son de Cabanas; en relación co TTIP insiste en que as administracións locais son as más afectadas, os concellos son as canles más axeitadas para promover servizos públicos e o emprego local, polo tanto Cabanas como afectado por ese tratado é necesario que se pronuncie.

A concelleira de AEC María Eva García Amor parécelle ben facer o grupo proposto polo voceiro popular, está de acordo co punto 3 de trasladar o acordo a Mancomunidade de concellos de Ferrol, por considerar que o tratado de libre comercio bastante agresivo e para que o estuden eles que teñen comisións e expertos nestes temas e poidan darralles traslado as Cortes do Estado, Ministerio de Economía ou a quen consideren, neste aspecto está de acordo.

O Sr. Pérez Sardiña non se pronuncia sobre a proposta do voceiro popular porque en principio non ten que ver co asunto; o TTIP faille perder ao concello de Cabanas a facultade de reverter a privatización de servizos públicos, esta facultade é importante e non se debe perder, xa non falemos da lexislación relacionada coa igualdade que en EEUU non ten leis de protección para as mulleres en canto a discriminación de salario, dereitos laborais, etc., hai que ser conscientes do que hai encima da mesa e pronunciarse sobre as competencias afectadas.

O Sr. Alcalde reitera o dito polo voceiro popular, o nivel de protección en Europa non é negociable; referente a comisión que propuxo o voceiro hai que ter en conta que non podemos tratar e traer aquí teman que non decide esta Corporación, ni a Comunidade Autónoma nin o Estado español, é a UE, non temos influencia directa e se podía levar a unha comisión dese tipo, en canto a proposta de que sexa presidida por María Eva García Amor non problema, pero nesa comisión se podían tratar outros temas coma este e os acordos que se acadan remitilos aos organismos que correspondan, porque o único que se está a facer co debate no pleno é xerar traballo administrativo.

Debatido o asunto sométese a votación ordinaria, resultando cinco votos a favor dos membros do grupo Socialista, concelleiro do BNG e concelleiro de PDDdG, cinco en contra dos membros do grupo Popular, e unha abstención da concelleira de AEC. Producíndose empate e de conformidade co artigo 46.2.d) da Lei 7/1985, do 2 de abril, repítense a votación, obtendo o mesmo resultado, a vista do cal decide o voto de calidade do Presidente quedando rexetada dita moción.

A continuación a Presidencia somete a votación a proposta da concelleira de AEC sobre o punto 3 moción presentada polo concelleiro de PDDdG para trasladar o acordo a Mancomunidade, producíndose a intervención do concelleiro do BNG pedindo aclaracións sobre esta votación, seriedade nas propostas, ante o cal indica que se vai abster; o Sr. Alcalde aclara que lle corresponde ao que fixo a proposta admitir que se vote ese punto como se fixo antes, hai unha proposta e por iso se vota ese punto aparte; o Sr. Pérez Sardiña considera que houbo unha confusión pero non ten problema en que se aclare e se vote. Despois do cal, o Pleno da Corporación en votación ordinaria, con dez votos a favor dos membros dos grupos Popular, Socialista, concelleira de AEC e concelleiro de PDDdG, e unha abstención do concelleiro do BNG, acorda aprobar o punto 3 da moción presentada coa modificación expresada.



PARTE DE CONTROL ÓRGANOS DA CORPORACIÓN.

11.- INFORMES DA PRESIDENCIA.

a) Resolucións da Alcaldía. Dáse conta das resolucións ditadas desde a número 462 do 23-09-2016 ata a número 511 do 21-10-2016.

12.- ROGOS E PREGUNTAS.

a) Preguntas orais.

a.1. Grupo Socialista: Intervención do voceiro Delfín Feal Pereira.

a.1.1. Na estrada de Lavandeira a As Neves, unha vez pasado o núcleo de Lavandeira ata o Alto da Serra, hai dobre carril de subida e un de baixada, o pintado que separa ditos carrís é moi deficiente con liñas continuas e descontinuas dando lugar a posibilidade de choque entre vehículos con dirección contraria, roga que se vixié ese pintado.

a.1.2. En relación coa retirada de amianto, hai un acumulado de uralitas na estrada de Fonfria, cascallo de obras con uralitas, o que demostra a importancia do catálogo de amianto para seguimento.

Intervención da concelleira Concepción Rodríguez Ferreiro.

a.1.3. En plenos anteriores quedouse en dotar ás fontes da praia de auga, solo hai unha que teña auga. Ten pensado dotalas de auga ou vai deixalo así?, xa chega con unha?.

Resposta Alcalde: Falaremos con Viaqua pero algún inconveniente había que agora non recordo.

a.1.4. Recentemente limpáronse as cunetas do camiño de Tras da Vila, pero os desaugues das canalizacións da auga quedaron tapados con terra, roga que se desatasquen para cando chova.

a.2. Intervención do concelleiro do BNG Iago Varela Martínez.

a.2.1. En varias ocasións tratamos no pleno a localización da páxina web xa que non resulta accesible a dispositivos móbiles e non dispón de información actualizada, o alcalde comentou que se estaba actualizando nunha nova versión, ademais adoptará o dominio .gal. En que proceso está a actualización da páxina web?.

Resposta Alcalde: estase traballando e actualizando tódolos días .

a.2.2. No cruce da Avenida do Areal co camiño Tras da Vila, subindo a dereita onde remata a beirarrúa hai un sumidoiro de pluviais, é como unha reixa, ten uns ocos moi grandes con perigo para as persoas pois é fácil meter un pé, roga que se revise.

a.2.3. En varios concellos do entorno, varios membros da Corporación dispoñen de correo electrónico para o seu uso como representantes municipais, moitas veces están publicados na páxina web do concello de maneira que calquera veciño pode comunicarse co concelleiro concreto, roga que se atenda esta petición para que os concelleiros que o desexen dispoñan dun correo electrónico.

a.3. Intervención da concelleira de AEC María Eva García Amor

a.3.1. As prazas vacantes que están pendentes de ser publicadas se sabe ou se prevé en que data se van publicar?.

Resposta Alcalde: esperemos que nunha semana se aprueba a oferta de emprego público e logo sacar as prazas.



a.3.2. En anteriores plenos solicitou como rogo fazer unha batida revisando o lixo e cascallos dos camiños, entende que non se fixo polo que dixo Delfín, persoalmente tamén comprobou que hai camiños mortos con lixo e cascallos.

Resposta Alcalde: fíxose hai uns tres meses, o que pasa é que a xente en vez de traelos residuos as zonas onde se pode recoller o tiran nos camiños, por informacíons que nos chegan pensamos que é xente que ven de fora do Concello a tiralos aquí, iso leva un gasto e mala imaxe dos nosos rueiros, volverase a facer outra revisión e agradécese que se comunique a existencia destes vertidos para non perder tempo.

a.3.3. Fíxose limpeza de cunetas Tras da Vila pero tamén debía facerse unha limpeza xeral, van chegar as choivas e hai que evitar problemas.

Resposta Alcalde: creo que xa se fixo nos rexistros, farase dentro das posibilidade e ata onde se poida.

a.4. Intervención do concelleiro de PDDdG Xosé Manuel Pérez Sardiña.

a.4.1. Hai varios anos que está feita a canalización de auga potable en Laraxe, preguntaron pola situación e despois de agardar un ano, porque non se dota a Laraxe de auga?, cando se vai poñer en funcionamento o sistema de abastecemento que ten esa parroquia?.

Resposta Alcalde: simplemente o veciño que queira auga que veña polo Concello, faga a solicitude e a rexistre, a empresa comprométese a darlle servizo.

a.4.2. Fixemos un rogo sobre a sinalización horizontal do entronque do xeriátrico co desvío que hai alí e non tivemos resposta satisfactoria, o que se pedía era sinalizar horizontalmente con raia discontinua para ter claro cal é a zona de tránsito de vial normal e a zona privada, van facer algunha actuación nese sentido?

Resposta Alcalde: non vexo esa necesidade, as beirarrúas todas son de raias continuas, si teñen problemas para saír terán que pedir un vao.

Despois das aclaracíons quedase en ir a miralo in situ.

a.4.3. Estes días onde vostede dixo que era unha fonte, no cruce de Formarís, non era tal, era o saneamento que rebordaba e volve a facelo, cando teñen previsto arranxalo?.

Resposta Alcalde: pasaráselle escrito a Viaqua para que o vaia revisar.

a.4.4. Rogo. Hai un problema na casa de Roca, estase deteriorando un dos aleiros, é unha casa catalogada e roga se tomen as medidas para garantir o seu mantemento.

a.4.5. Rogo. Nunha das vías de servizo paralelas, á dereita subindo dende o Rego da Moa ata Panceira, hai unha serie de descargas vexetais nesa zona que nos gustaría se controlase.

b) Preguntas por escrito.

b.1. Preguntas presentadas polo concelleiro do BNG Iago Varela Martínez en escritos de data 25 de outubro de 2016.

b.1.1. O O BNG recibiu varias queixas da veciñanza dos Chaos, na parroquia de Laraxe, polo estado do aglomerado do camiño e as numerosas fochancas que ten, tema que xa trasladamos a este mesmo pleno no mes de abril.

Ante esta cuestión, desde o BNG queremos ter resposta ás seguintes preguntas:

- Que prazos manexa o goberno municipal para arranxar definitivamente este camiño?



- Dispón o goberno municipal dalgún estudo ou plan global no que se analice a situación do firme nos camiños municipais para ir resolvendo as eivas que presentan ou, pola contra, a estratexia é ir tapando fochancas ao recibir queixas, sen planificación?

Resposta Alcalde:

- Os camiños se reparan con proxecto para que se realice como ten que ser, parte dese camiño está afectado pola humanización da N-651.
- Hai varios camiños que se están reparando, o goberno ten unha planificación e coñece as necesidades de cada zona, outra cousa é ser capaces de chegar a todos cando nos gustaría.

b.1.2. O 19 de abril anunciouse no Boletín Oficial da Provincia a “Resolución pola cal se somete a información pública a solicitude de autorización administrativa e aprobación do proxecto de execución da rede de distribución para subministración de gas natural en MOP 0,4 bar a Cabanas”. Trátase dunha canalización principal que percorrería a beirarrúa ou a estrada desde o Punto de Entrega de Gas Natural no límite con Fene ao longo da estrada AC-122, distribuíndose ademais por varios ramais.

Sobre esta cuestión, desde o BNG desexamos ter resposta á seguinte cuestión:

- Ten coñecemento o goberno municipal de se se ten presentado algunha alegación a este proxecto? En caso afirmativo, podería explicar o señor alcalde cal foi o sentido da/s mesma/s?

Resposta Alcalde: non temos constancia de que se presentara ningunha alegación a esto.

b.1.3. Meses atrás, tras os roubos producidos na zona comercial do Areal, o alcalde comprometeuse a estudar a mellora da iluminación na zona. Preguntado por esta cuestión no pleno de maio, a resposta do alcalde foi que “estaban estudiando estos asuntos”.

Logo desta marxe de tempo, desde o BNG desexamos ter resposta ás seguintes preguntas:

- Producíuse algúun avance na realización do estudo que o Concello de Cabanas ía realizar para mellorar a iluminación nesta zona?

• En caso negativo, cando ten previsto telo listo?

Resposta Alcalde: xa se cambiou a situación do contedor de cartón que foi unha das suxestións que pedía a persoa que falou con nos, ese alumado foi mellorado no Plan E.

b.1.4.O 23 de marzo de 2016 o BNG denunciou a existencia dun importante desprendemento no camiño de acceso á praia de Chamoso, froito do cal varias árbores quedaron en situación precaria.

O 18 de xullo de 2016 rexistramos unha nova solicitude de actuación urxente, dado que se tiña agravado o desprendemento e non existía unha boa sinalización do perigo, feito que preocupaba ás usuarias do mencionado areal.

As choivas dos últimos días provocaron un novo correimento de terras na zona, agravando o estado de precariedade das árbores que poden caer sobre o areal e poñendo en risco a existencia futura do camiño de non haber actuacións.

Ante esta situación, desde o BNG queremos ter resposta ás seguintes cuestións:

- Ten coñecemento o equipo de goberno dos posíbeis avances que puidera ter feito a Demarcación de Costas sobre esta cuestión?

• No caso de que non houbese avances, non considera o goberno municipal que sete meses é tempo máis que suficiente para polo menos ter começado os trámites para dar unha solución definitiva ao problema antes de que sexa demasiado tarde?



• É consciente o goberno local de que de non actuar haberá novos desprendementos que poden poñer en risco tanto o acceso á praia de Chamoso como, incluso, as persoas, e que a súa inacción podería implicar responsabilidades?

Resposta Alcalde:

- Non temos coñecemento dos avances.
- Trasladámoslle a Costas que é da súa competencia esa problemática e estamos a espera de que Costas nos diga algo.
- Entendemos que o Concello non pode actuar en algo que non é da súa competencia, por iso llo trasladamos a Costas que é o organismo con competencias nese tema.

b.2. Preguntas presentadas polo concelleiro de PDDdG Xosé Manuel Pérez Sardiña en escrito de 25 de outubro do 2016.

b.2.1. No anterior Pleno de setembro suxerímoslle ao goberno local que estudara as causas do rebordamento do Oito e tomara medidas para que non se volvan repetir tanto no Oito coma no Barreiro (neste caso polo incremento de pluviais no saneamento). Que medidas concretas adoptará o goberno local para que non se volvan producir rebordamentos no Oito e no Barreiro?

Resposta Alcalde: como di vostede, xa se lle contestou no seu día, trasladóuselle a Viaqua o ocorrido para que tomen medidas sobre o asunto.

b.2.2. Así mesmo, no anterior Pleno de setembro suxerímoslle ao goberno local que elaborase un informe sobre as afeccións aos núcleos do Areal, Cardeita, A Torre, Pedreiras, A Rúa, O Feal, O Peón e O Pereiro da nova Lei de Estradas. Encargou o goberno local o informe? Vaillo entregar á oposición antes de que remate o ano?

Resposta Alcalde: xa lle dixo en máis dunha ocasión que agora estase noutro proceso, cando teñamos o último informe de Fomento actuaremos.

b.2.3. 3. O valado de obra continúa rodeando o boquete que deixou a rotura dunha tubaxe no parque do Areal. Deberon pasar sobre dous anos e o problema segue sen resolverse. Cando prevé acturar o goberno local para resolver este problema? Pódenos explicar que pasos concretos está a dar o goberno local sobre este asunto?

Resposta Alcalde: creo que é coñecedor de que a empresa encargada dese servizo ten un expediente aberto e hai outro no xulgado, nos últimos días estase intentando falar con eles para ver si hai forma de chegar a un acordo.

b.2.4. Un ano máis atopámonos con que a limpeza é unha materia pendente no goberno do PP. Tivemos queixas pola situación do parque da Torre e o seu contorno. Cando vai proceder á limpeza do parque da Torre de Porto e o seu contorno?

Resposta Alcalde: farase co mesmo proceso que se está facendo noutros espazos.

b.2.5. Na escola de Porto detectamos que a zona máis próxima ao río está sen rozar, o que se pode converter nun foco de bichería. Cando prevé o goberno local limpar de brouzada o muro contra o río do colexió de Porto?

Resposta Alcalde: está incluído no tema de limpeza, cando se poida se fará como en anos anteriores.

b.2.6. Case imos facer un ano coa moción de Somos Cabanas aprobada na Corporación para que se convocasen os postos vacantes por xubilación. Cando prevé o goberno local cubrilos? Hai algunha dificultade que cause un atraso inxustificable?



Resposta Alcalde: sobre este asunto creo que non foi Somos Cabanas a que pediu cubrir as prazas de xubilados, creo que tódolos grupos estamos de acordo en que había que cubrillas, era necesario e estamos no proceso como lle contestou antes a María Eva García Amor.

b.2.7. Unha das demandas que más nos repetiron as persoas usuarias do areal de Cabanas este verán foi a escaseza de servizos públicos en toda a zona de Costas do Estado. Hai algúna previsión feita polo goberno local para colocar baños públicos móbiles? Con que fin foi colocada unha tubaxe na zona este verán?

Resposta Alcalde: non sabe a que tubaxe se refire, aprobouse neste pleno un proxecto de ampliación do parque do Areal onde inclúe un baño público ao lado da oficina de turismo.

O Sr. Peréz Sardiña aclara que a tubaxe sitúase na zona do antigo campo de fútbol, indicando o Sr. Alcalde que non pode haber tubaxe de saneamento alí.

b.2.8. Como xa advertimos en pasadas datas o rebose de presuntas augas fecais na zona de Covo parece que está case confirmado despois de detectar saída de restos de retrete durante os pasados meses e nas últimas enchentes. O goberno local resolveu algo para resolver este asunto na praia da Madalena?

Resposta Alcalde: remitíuselle a Viaqua a revisión dese vertido para que o solucione, é a concesionaria que ten que cumplir eses procesos, si hai que actuar terá que facelo, creo que aí non hai vertido de fecais.

b.2.9. Tivemos coñecemento de que a Casa do Teléfono, na vila de Cabanas, ten aberto un expediente relacionado coa limpeza e ornato. Coñécese xa o dono da propiedade? En que situación se atopa o expediente? Que acción concretas ten previstas o goberno local do PP no presente ano 2016?

Resposta Alcalde: coñécese sempre ao propietario, ábrese un expediente e se segue o proceso administrativo correspondente.

b.2.10. Sobre as silvas descoñecidas da parcela das Raiolas do Areal, soubemos que Caixabank S.A. tomou posesión da tenza este pasado 20 de setembro. Tendo en conta esta información, o concello exixulle ao propietario que lime e roce a parcela urbana?

Resposta Alcalde: por suposto que llo vamos esixir, hai un expediente administrativo con sanción prevista se non cumpre.

b.2.11. Tamén soubemos que o banco malo (Sareb) alegou contra unha orde de roza do goberno local. Que actuacións realizará o goberno local respecto desta alegación?

Resposta Alcalde: igual que outros, esixirse que cumpra a normativa, especialmente a ordenanza que ten aprobada o concello de Cabanas.

b.2.12. A festa de Santa Marta 2016 tivo un gasto certamente extraordinario: 888,70 € en trofeos. Isto non se corresponde coa imaxe de concello sen recursos que expuxo nos tribunais os señor alcalde. Pódenos detallar cantos trofeos foron encargados e cantos trofeos outorgou o concello?

Resposta Alcalde: entendemos que non debemos privar a rapaces e rapazas de eventos deportivos como cross popular, baloncesto, balonmán praia, castelos de area, torneo padel, etc. Facer deporte é saudable e seguirse tratando de que a xente faga deporte.

b.2.13. Sobre o servizo externo de xestión da web municipal que custa 1245 €/mes. Que actualizacións concretas realizo una web municipal a empresa externa desde que está contratada?



Resposta Alcalde: volver a poñer en funcionamento patrimonio de cabanas.es, eliminar códigos maliciosos, actualización contidos páxina web, xestión redes sociais, canal de comunicación cos veciños, folletos informativos, mantemento informático básico, entre outros.

b.2.14. Sobre a situación da maquinaria municipal desexaríamos saber o seguinte. Cantas avarías sufriu nestes meses a desbrozadora municipal? A canto ascenden as reparacións? Con que procedemento de contratación adxudica o alcalde a reparación desta maquinaria?

Resposta Alcalde: máis avarías das que nos gustaría, houbo varias, neste momento non dispón de datos, hai dous talleres que son os que se utilizan para reparar esa maquinaria e praticamente é o traballador a que taller vai segundo as necesidades do momento.

b.2.15. Sobre enchentes no saneamento tivemos coñecemento da interposición dun contencioso por danos a propiedades privadas no Areal. Poderíanos explicar que aconteceu para que denuncien ao concello? Controla o goberno local que a concesionaria faga os labores de mantemento?

Resposta Alcalde: denuncia ao concello por ser titular do servizo, dáse traslado a Viaqua para que faga as reparacións oportunas do servizo.

b.2.16. Nos meses pasados produciuse unha queixa sobre ruidos na zona da praia que non se trasladou á Comisión de Asuntos do Pleno, como xa é habitual. Que motivou a queixa e como resolveu o goberno local esta reclamación?

Resposta Alcalde: non sei a que queixa se refire, se foi unha queixa resolveríase falando con quen lla presentaron, e a empresa que fixo iso que cumpra coa normativa.

b.2.17. Producíuse unha queixa sobre unha canalización no lugar da Rúa que tampouco se trasladou á Comisión de Asuntos do Pleno, como é habitual. Que motivou a queixa e como resolveu o goberno local esta reclamación?

Resposta Alcalde: hai unha memoria da aparelladora para resolver os problemas que poidan xurdir alí.

b.2.18. Que obra solicitou no pasado mes de setembro o goberno local á Demarcación de Costas no Cantiño, en Chamoso? Autorizou a Demarcación de Costas a actuación?

Resposta Alcalde: si está autorizado.

b.2.19. Suxestión. Vai aló máis dun ano desde que lle solicitamos o amán da fonte do piñeiral da Madalena, e calquera cousa por pequeña que sexa converteu nun problema de miles de euros para empezar un bucle de nunca acabar. Suxerímoslle amañar un ángulo roto na fonte do piñeiral da Madalena para o uso desta fonte municipal no inverno.

b.2.20. Suxestión. Sobre as obras de reposición do saneamento do Batán detectamos unha serie de deficiencias pero a que más non chamou a atención foi que as obras non deixan desaugadoiro no camiño para a fonte do Batán. Deste xeito, suixerímoslle ao goberno local que amañe a fonte do Batán (actualmente sen auga) e manteña o desaugadoiro que había no camiño para as súas augas.

b.2.21. Suxestión. En pasadas datas avisáronnos os veciños da vila de Cabanas que a rúa de Abaixo, xusto derriba do camiño do Castro sofre unha rotura progresiva que adinante un esborrallamento semellante ao de Fontao. Suxírolle ao goberno local que elabore un informe para avaliar o esgazamento nesa altura da rúa de Abaixo en Cabanas co fin de elaborar un proxecto e actuar na zona á maior brevidade.



CONCELLO
DE
CABANAS

b.2.22. Suxestión. Suxírolle ao goberno local que inicie un repaso de fochancas e rebachee inmediatamente moitas pistas que se van deteriorar coa chegada do inverno.

b.2.23. Suxírolle ao goberno local que inicie un repaso de canetas de auga e as repare antes do inverno.

b.2.24. Suxírolle ao goberno local que faga atestado da policía local no camiño de Ventín e se dirixa aos maderistas que realizaron a saca de madeira nese camiño na parroquia da Laraxe para que reparen os danos causados e que dificultan o tránsito.

Resposta Alcalde: o informe está emitido e di que está todo correcto.

A continuación a Presidencia levanta a sesión sendo as vinte e dúas horas e cinco minutos da cal estendo a presente acta , e do que eu Secretario, dou fe.

Vtº e prace.

O Alcalde

O Secretario